

TIMOTEO

POI PO JILICA
1Y2 Timoteo

ARAONA

TIMOTEO POI PO JILICA

Tata Pábaloa zehuitapo

Las Cartas del apóstol Pablo a

TIMOTEO

Versión en Araona

Traducido por

EL INSTITUTO LINGUISTICO DE VERANO

1977

40

1 Tata Timoteolipi ya mique jilica eani. Emamo tata Pábalo, Jesosoa eiloiiji poi toacata po. Tadicatapoa Jesosoa ema dipa po eiloi poi meta pojo dipa. Tadicatapo joda bale cuada-odi izemeiji. Jesoso joda bale cuadaja pobeatajaecata báni po. 2 Timoteolipi, yama midya aabacata, yama midya. Tadicatapoa poi ea batso pojo. Tadicatapoa, Jesosoa midya atsañuaibotajaecata ema bātini, olibaibotajaecata bātini, tsññeti poi mētaneti atajaecata bātini.

3 Ema Masedonia eonua beneje potibojatsio cuaeasha ~~peebatahae~~ poque ~~ee~~ Jodohue, Epeso leleo tsonoda masha netime poque. Fejejehue po alelajai cana, yama dipa picuaema po, izedeame-odi po cana pacuaejaichaibo ezae dipa poque. 4 Joda

canajamo tsonodacata eajaenati po cana biyo jñobitani pehue. Tsaja canaja ea po cana biyo jñobitani pehue. --Dipamo pi-ama méaque --cuaibome aque. Da batahue po cana peaja jacuaecuaezati poi pehue. Tadicatapo tsí-a alelajai po cana poi pipoma. 5 Cuada bale ecuicha cana izedeame-odi, aababatiji papoibo pojo. Nimeono pidya, nimeono huaca metse po cana bale aababatiji polelajai. Tsí-atoacata polelajai po cana bale aababatiji polelajai. Dipa papoibo pojo, cuada izedeame-odi. 6 Tata cana jepeamo joda dñehuecatapo cana tso --mae, --pehue ea. Bedipa poi pehue poñi. 7 Joda cana Tadicatapoa mipa po aque ea po cana izedeameiji poi pōjae bātini. Tadicatapoa mipa po aque ea po cana biyo sichohue, biye ado-eje noshi pehue bime, da cana biyo izedeameiji poi pōjae bātini. Nāedaja joda pe-asocata, ado-eje pabata pojo pehue dipa poñi. 8 Joda mipa po aque ea po cana, tata Moise ecuae po, joda bale ajai, cuadaja bamehue. 9 Bale Tadicatapoa joda cana ajai-odi po cana poi ea pipoma. ¿Aiyaja poi tso ea?

Pánualeja poi pojae po cana, amatsetaisi po cana poi ea. Masanue poi-odi po, Tadicatapo pi-iyo-iyo páijipo poi ea. nua tádi, nua nuádi eishetani po poi, tsedapo cana mánoemetani poshili canaja poi huada ea. 10 Eipanue, Tadicatapoa nua mipa po aque ea po cana mama biyo masahuenue-odi e-asha po tata cana poi ea. Tata biyo masahuenue-odi e-asha po tata cana poi ea. Tsedapo cana jeo, diñelo pajemiqui ezae po cana poi huada ea. Tsiłođa cuaecuaeme polelajai po cana poi ea. Dñocua cuahue páshilija po cana poi ea, dipa ahueya paata pojo. 11 huada bale ema Jesoso lacua po biyo cuaeiji poi penue ea.

12 Jesosolipi cuadaja Dójoicata po yama páni. Joda --jálipi quia --a-odi, huada ema nua eiloi poi nimetsiacata eme batso. Ema dia aatajai batso dia ea.

13 Yama esnoi joda masahuelipi bame easahua. Hua boanai cana isheanatañepacata bame easanua. Dipa yama ea ponue, huada ema nua eiloi poi eibo. Jesoso Tadicatapoa bácuēdea ya bamehue pipoma jabatitso, tsí-a pi-ama datsionue ea.

Sichohue poñi batso, Jesosoa eolibahui-
 quibo ea. 14 Ema atsaahuahuiquitaiba
 apamo. Yama Jesoso tsí-a masha Huada
 meta. Aababatiji poi meta. 15 Mipa po
 cuaeme ea po bale dáehuecata: Jesoso
 ehuaó poshaohuana masahue pof-odi po
 cana, páshilija huesahuapo cana shacua
 lacua poi cata pameibo ezae. Ema tata
 bale, masahue pojalilidya poi póshua.
 16 Dipa batso Jesosoa jemiquitaibana.
 Bedada ema boanaiji poi, Jesosoa masahue
 po cana olibalelajai, náedaja bamehue
 paata pojo. Ema boanaiji poi, masahue po
 canaja, masahue bime, Jesoso tsí-a
 potsomo, izejanahuatilacua poi papo,
 bamehue-odi paata pojo. 17 Tadicatapo
 netimetsecata po poicata. Mãesalipi poi
 pipoma. Batai pipoma. Ai jico pea
 dipahue isha po poi pipoma. Joda
 --jiquia atsalacualipi, --cuaehuiquime
 ajanahuatitso balecata.

18 Timoteolipi quia, yama pe-ishapo
 cana nae midya Tadicatapoa tódi canaja
 biabaiji poi ea. Cuama dátsio cuae-asha
 po batahue aque. Jesoso biyo po cana
 dojoyoa jaidya aiboque. Toli izedeame-odi

eatani po cana shabajaiboque. 19 Jesoso tsí-ayoa-odi pehue aque. Dipa atso ajai bamenue eani po cana dipapohue poi aque, nimeono huaca metse pehue paneti ezae. Jepeamo, dipa atso masahue bamenue eatani bime, dipa di asadi poi pehue. Dipa poáni jabatitso joda cana tso māsamasapetiana. Tadicatapo tsí-ahueyaibotso, atsacata poi pehue poánaibo.

20 Tata Imeneo, tata Alejádo dipa epo. Yama huatseda diaboló tihuiquihue aja, pabati pojo, Tadicatapo pimasabama paata pojo.

1 Dipa batso, Tádi metsepo cana mipa cuaeiboque: --tseúapo dāocua cuahue poi Tadicatapo bicuaeabajati bicuaeabajati méaque. Dāocua cuahue poi Tadicatapo nae mémimini-odi mepoque. Tadicatapo eatani po biyo --jálipi quia --cuaeibome méaque.

2 Netimetsecata po cana poi, cuicnacata po cana poi dipahue mémimini-odi mepoque, joda canaja midya adojo pibama, pi-iyo-iyo pibama paata pojo, cuada Tadicatapo biyo nimeono zécueneti-odi potoa papo ezae.

3,4 Dipa mimi-odi potso bale ajai, Tadicatapoa, izejanahuatilacua jametiji po. Joda tsedapo dāocua cuahue eizeneti poi lacua-odi mepotajae, Jesoso ea po cana bamehue atajae. 5 Tadicatapo peadahue pehue eani. Tadicatapo ecuicha cana nae ai shābajai peadahue pehue eani. Joda, tata poi po, tata Jesosolipi. 6 Huača jo pehue jatiametita, pamemanoibo ezae, Tadicatapoa tsedapo cana olibaiquibotoa papoibo pojo. Joda lacua cana dāocua cuahue cuaeibotso bale. 7 Dipa batso, Tadicatapoa ema eizedeameiji poi ea, cuāedeatiji poi ea. Pea cana Tadicatapo tsí-a alelajai po cana pa-izedeameibo pojo dia ea. Dāehuecata cuāeni. Tsiloda poi cuāeni pipoma. 8 Lele misiohua-odi Tádi metse po cana Tadicatapo nae mīmini potaesacata yama bāni. Nimeono huilana po metse mimitso bale, pizaiquima po nae, piiñacuetima po nae. 9,10 Tádi metse po mama cana dipahue. Damo, jaibai jaipicata po jaibaibotso, Tadicatapotaezo tsí-ani potso bale. Jo biyae ajailacua-shahue pehue, jaibai ajaicata, iñe izecata jáibani batso pojo pipoma potso bale. Da

cana bale ajailacua toacata, ai ajai po ai
alelajai batso pojo, tsí-ani batso pojo,
nimeono pidya batso pojo. 11 Tataja ai
eizedeametanitsio, mama cana tsítsabaja
atso bale, cuasta jaidya poi potso bale.

12 Mamajamo tata izedeamehue pi-ama
polelajai, iloemehue pi-ama polelajai.

Tso yama mama cana dipa cuaeme ea.

Tsí-ani potso bale. 13 ¿Cuipa batso?

Tadicatapoa tata Adana enuio eimea, mama
Eba bisha pojo. 14 Diaboloa Adana díloa

pimenuiquima, bale mama Ebamo díloa
mehuiquitana. Dipa atao, mama Eba masahue
poi poána, mósojo bicuebade tso poána.

15 Dipa pojo mama canaja ezoe jaidyaohue
poánitsio neda cueme balelajai. Bale
Tadicatapo nae poáni, aaba tsíjabati
poáni, tsídyojoticata netime poáni pojomo,
izejanahuati poi poíbo.

...

1 Mipa po cuaeme alelajai po bale
dáehuecata:

--Ai se tata Tadicatapoa tódi cana
biabaiji poi pojae potsomo, dipa ajai
poáni.

2 Biabaiji pomo bale mipa potso bale. Ajai-ođi posha batso nãedaja joda jaidya poi bãtani pehue. Huãnecatalipi peadahue nae tsfjabati. Níme jaidya ba nae tsfñeti posha. Abashodi quia pehue posha. Cuaeta jaidya poi. Tsíba poi jatiji. Animepia-odi. 3 Tadicatapoa tódi cana biabaiji poi pomo bale masahue po iziji poi pipoma, shozaiquime poi pipoma, peaja jabicuaebicuaebajati netime pipoma, diñelo pehue jaidya bñi pipoma. 4 Biabaiji poi po tata bale, hua huãne, bãcualipi cana nae biabaiyoa jaidya poi, jamebati jaidya poi potso bale, da canaja joda iyoda ba-odi paata pojo. 5 Joda cana biabaiyoa jaidya amane bamehue pipoma potsomo, Tadicatapoa tódi cana ¿cuipa ba biabaibome ea cata? 6 Biabaiji poi po Tadicatapo metse pocuaedali pipoma potso bale. Dipa potso biabaiji poi poibo potsomo, jo pehue ajai, ado-eje jabatime pehue poíbo-ani ja. Dipa poãni potsomo, Tadicatapo méyahuiquibo ja, diaboloa ea isha batahue. 7 Dipahue joda ajai-ođi poãni potso bale, Tãdi metse pipoma pocanaja joda jaidya poi bãtani pehue

paata pojo, diaboloa joda Tadicatapo tsf-a anueya pi-ama paata pojo. 8 Biabaijiya eatsanuai poi po tata cana dipanue. Joda cana tsftseifebati poi potso bale.

Dyãmasamasa poi pipoma. Masahue po iziji poi polelajai pipoma. Ai cana pi-olibama jemine pipoma. 9 Eatsanuai poi po tata cana bale nimeono pidya metse pehue Jesoso tsf-a alelajai po dojoyoa jaidya atso bale. 10 Midya ai tata eatsanuai poi

eibo-ani potsomo, joda esnoi topotso bale. Jaipicata poi poãni pojomo, ajai-odi poãni pojomo, eatsanuai poi aibomane. 11 Mama cana dipanue. Tsftseifebati poi potso bale. Ai nedaiji paa ezae jamatsematseati poãni pipoma. Anime huiña, ateli polelajai pehue potso bale. 12 Eatsanuai

poi tataja nuãnecata peadahue pehue dojoyoatso bale. Huãne, bãcualipi cana nae, bayoa jaidya poi potso bale.

13 Atsahua jaidya e-asha po ajailacua Tadicatapoa, tsedapo canaja bãtani. Dipa pojo joda eatsanuai po tata pãlipija poi pipoma, bisojae pipoma. Jesoso tsf-a alelajai po cana biyo mipahue mimitsoa netime bale. 14 Yama mi ai atsonolimi

pehue potso bñanatibotso balecata bñtini.
 15 Bale dipa aibotoa beaguepo batso, mipa
 zñnuiboani, Tadicatapo metse po cana mipa
 biabaibome alelajai cana biyo midya
 pitsada mahue papo pojo. Joda Tãdi metse
 po cana eizenetilacua po Tãdi metse. Joda
 canaja Tadi biyo ãñehuecatalacua po ecuae
 po cana ðojoyoalelajai, shipa cuaedeati-
 odi alelajai. 16 Cuadaja ðãocua
 cuajahue, Tãdia alelajai cana ajaicata poi
 ba-odi. Tata Jesusolipi tata poi
 poibotso, ehua ecuicha cana bñemeshao.
 Jodalipimo Tadicatapoa ajai po
 bñcuedeacata po, Tadicatapoa shãmaja
 ecuae. Tadicatapoa eiloi shãma canaja
 jodalipi noahue isha eizeneti isha eba.
 Tata canaja jodalipi biyo tsedapo ðãocua
 cuahue cuaedeati-odi ea. Tsedapo canaja
 joda jñmiquitani a-odi ea. Tadicatapoa
 jodalipi jiquia atsalacua po leleo
 ðõcuaiñaticaiibo.

4 1 Bale Tadicatapoa shãmaja cuada
 cuãetani:

--Becata, Tãdia metse po jepea
 tñbonetani alelajai po shãma cana

nimebaiquicataibotso, Jesusomo
mêyahuiquibo. Dyãmasamasa shãma canaja
alelajai cana nimebaiquicataibotso,
Jesusomo mêyahuiquibo.

2 Meyamehuiquibojae mepoa eatani po
tata cana tsiloda cuãneti-odi. Masanue
eapesha jabatitso animebiso poi pipoma.

3 Da batahue po canajamo:

--Mama pijemiquima atso bale,
--eatani. --Joda jana, joda eami pidyima
atso bale, --eatani.

Tadicatapoa bale joda cana eimeape,
hua tãdi canaja, jo tsí-a eatani poa,
pajemiquitaibo pojo, --jãlipi quia --atso.

4 Tadicatapoa eimea po cana dãocua cuanue
ajai. Dãocua cuanue --jãlipi quia --a nae
jemipequitso bale. 5 Tadicatapoa tso
dipa ecuae:

--Dãocua cuahue ajai poi pehue, midya
ena "jãlipi quia" ajao bale.

6 Midya mamazao cana joda cana
icedeame-odi atsomo, midya Tadicatapoa
ecuae po cana boana jaidya a-odi atsomo,
~~Jesusa erioi poi jaidya po poiboani.~~

7 Bale tsedapo canaja jiñobi bishapo
pehue po canamo mãesa poi penue. Damo

--mãesa pehue --aque. Jo pehue bime eizedeametiboani poque, Tadicatapoa tódi ajai po, abeise po pehue papo ezae.

8 Emeimo pehue abeise papo pojo pipoma potso bale. Nimejono, mōsojo, shāma, da cana bale dojojanahuati mata mahue. Joda cana abeise papo pojo Tadicatapo huapo pehue potso bale. Dipa poāni potsomo izecatalacua poi, ehuaō tsio dipahue, Tadicatapo najo tsio shipaēcata. 9 Joda po cuaeme ea po bale dāehuecata. Joda po dāocua cuajahue jemiquipetso bale.

10 Tadicatapoa poi po cana pehue ize poi catalacua batso cuada mōdotseiñeneti-odi. Cuada Tadicatapo eizeneti po huapo pehue netime. Jodamo pehue izemeiji poīcata, dāocua cuahue poi, bale tsí-a alelajai po cana poīmasha.

11 Yama cuāeni po cana izedeameiboque. 12 Aiyaja mi biabaiji poi jaipicata pipoma bātani pi-ama atso bale, midya esichanaiqui pipoma batso. Bale ajai mimime po-odi, ajai tséiñebati-odi poque. Abada batijitoacata poque. Tadicatapo tsí-a a-odi po, ajai po nimeba-odi po tata poi poque. Dipa poque,

nãedaja midya boanajae paata pojo.

13 Ema cuaiñatibo-ani cueneo Tadicatapoa
tõdi cana Tadicatapoa jilica
cuaenetiquiboque.

--Joda boanatamesanua --cuaeme aque.
Cuae-izedeameiboque.

14 Tsonoda bepoa, eatsahuai poi po
tata canaja, miqueda eshoa
eitsobatanitsio, dipa cuaetana:

--Tadicatapo, miqueda snãma metse,
Timoteolipi miqueda eiloi poi, biapaiji
poi aiboque.

Dipa atao, Tadicatapoa midya dia
aatajaimasha po poi metana. Nuada datsio
dia metana po cana --mae --pi-ahuiquima
atso bale. 15 Yama cuãeni po cana biyo
tãcata bãtini poque. Joda cana biyo
animeani poi poque, midya ajaimasha poãni
nãedaja bamehue paata pojo. 16 Jabati-
jaidya poi poque. Pidya izedeameme-odi
aque. Dipa po penue ajanahuatique. Dipa
a-odi potsomo, Tãdi nae ize poi masha
lacua põ-ani. Dipa a-odi pojomo,
tsãbajatani po canaja dipahue Tadicatapo
nae ize poi masha lacua põ-ani.

1 Timoteolipi, esichanaiqui po tata,
 masahue poi ataibojo, pitsaneiboma.
 Miqueda tādilipi po batahue bāni tsio dada
 tsīcuae shabajaibo amane pehue. Neti
 doeteocata po tata cana miqueda mamazao
 cana batahue bāni tsio dada
 cuaeshabajaibomane. 2 Esichanaiqui po
 mama cana miqueda huādilipi batahue
 bānitsio cuaeshabajaibo. Ani doeteocata
 po mama cana, noejaja po cana, masahue
 poi ataibojo, miqueda dōdolipi batahue
 bāni tsio dada cuaeshabajaibo. Masahuepo
 poi nīmebani pipoma tsio pehue
 cuaeshabajaibo.

3 Tata mahue pō-ana po mamashodi
 cana, ai micata pehue pō-ana po, jāidya
 bāiboani atso bale, alidyaso poi bāni
 pehue atso bale. 4 Bale jōda cana bācuai
 pojomo, bācua canajahue, otse canajahue
 atsahuadeaibotso bale. Tōdi canaja esi
 popeibotso, hua huādi, hua tādi dya isha
 atsahuadeaibo-ishatso ajai Tadicatapoa
 bātani. 5 Tata mahue pō-ana po, bācua
 mahue po mama ¿tso cuipa? Tadicatapoa
 eatsahuatani jabatimehue poāni pojomo,

joda nae mimitseiñeneti-odi pojomo, Tádi metse po canaja atsahuaibotso bale.

6 Páhualeja potseiñei pehuelipi po cana bale pi-atsahuama. Máno po batahue pehue bamane. 7 Joda po náeda cuaeiboque, ajai-odi pape pojo. 8 Kuádi, tádi, doémetse cana alidyaso poáni tsio, eatsahuatani pi-ama alelajai po canajamo, Tadicatapoa tódi poi pipoma batame. Tsácata poi pehue shili.

9 Ai se mama, tata manue pō-ana po, Jesosoa eiloi poi pehue potso balecata bátini potsomo, mipa poi potso bale jaipicata: tata peada jemibojae pipoma potsomo, seseta mala tsonoa anime potso, eáhuescata penue ajai bashanatso, 10 ai ajai ai poi pehue náedaja bamenue atso, bácuca cana nuapetso, pejo po cana oliba-odi polelajai potso, Tadicatapoa tódi cana ajai quia alelajai atso, atsacata po cana tōabalelajai atso, ai ajai modo poi pehue potso. Dipa potso bale Jesosoa eiloi jaipicata po poi.

11 Pi-esichanama po, tata manue pō-ana po mama, da batahue po eiloi poi pipoma potso bale. Joda bale tata

jemiquibojaecata isha emi poneti
jabatitso, Jesosoa eiloi poi p̄hueyaibo-
ani ja pojo.

12 --Tadicatapoa eiloi poi p̄hue
p̄-ani samo cuichiji --poāni bime, d̄āehue
pi-ama. Dipa poāni batso, tsaneiji poi
p̄hue. 13 Dipahue aoli po poi p̄hue
ja-izedeametibo, etae babale-odi tsio.
Bale aoli p̄huego pipoma. Jamatsetiji,
jabicuaebicuaebajati jaatiji pea p̄-ani.
Dipa mimime pipoma polelajai po cana biyo
mimi-odi. 14 Dipa batso pi-esichanama
po tata mahue p̄-ana po cana noahue isha
tata peadahue poi jemiquideaibo isna atso
bale. Aiyaja joda pimasabana paata pojo
dipa atso bale. 15 Jepe bale
jamasatianaibotso, diabololo huapo p̄hue
p̄-anaibo. 16 Aiyacata ja, Tadicatapo
metse po mamaja, alidyaso anipo mama
aniomo, joda shabajahue-odi atso bale.
Dipa eatani pojomo Tadicatapoa poi
m̄odoani po canaja pe-ishapo micata poāni
po tata mahue p̄-ana po cana
shabajabotso.

17 Tadicatapoa biabaiji poi po cana,
a jaidya a-odi po, jaidya masha baibotso

bale. Jobidya cuaenetime, jobidya
izedeameme a-odi po cana bale da tsimehue.

18 Tadicatapoa jilica cuichao tso dipa
zehuime:

Ai huaenia midya poi mēmodotani
pojomo, joda ai titso bale,
padita pojo. Dipahue, mēmodotani
po tata pea ai titso bale, modo
poi.

Tso dipa zehuime batso, biabaiji poi po
cana dipahue isha jaidya hue isha
báiboani atso bale.

19 Aiyaja midya biabaiji poi po biyo
--huada dipa masahue ame ea, --ataomo,
dāehue po dia eatani beaquepo batso, --bea
dipa, --pehue aque. Beta detsea, quimisna
canaja dipa cuaetaomo bale, biabaiji
shabajaibotso bale. 20 Masahue anueya
pipoma po cana jepe cana dōjojo tsane-
shabajaiboque, jepe jabati papo pojo.

21 Cuāeni po tsimenuescata aque.
Masahue ata po cana tsaneshabajaiboque.
Dipahue-odicata pehue bāni aque, dya
huada midya aaba bātani, dya huada midya
azaja bātani pohue dipa. Dipahue, masahue
ata po biyo tsabajapenuiquitso pehue,

tsanemane. Tadicatapoa poi yama dipa mécuaeni.

22 Aise tata Tadicatapoa biabaiji poi sho-apodame pi-ama aque. Joda tata biyo pitsada mahue pehue bāni tsio, joda ajai-odi bamehue tsio pehue dipa aque. Midya cuaesocata po tata biabaiji poi aibo pojomo, midya dipahue cuaesocata isha nāedaja bāataibo ja. 24 Tata canaja jepea ai masahue poi ata po cana mipae bamecata. Jepea bale ai masahue poi ealobo po cana bécataçada pehue bataicata pō-ani, Tadicatapoa topoti topoti eataiboani tsio dada. 25 Dipahue tsedapo canaja ai ajai ea po cana, jepe dāocuahue isha behuehue bataicata. Jepe bale bécata dada mipae bamecata pō-ani. Dipa batso, ai se biabaiji poi sho-apodame pi-ama.

23 Eohuicata po pehue izi-odi pipoma potso bale. Bino beta dipahue izibotso bale, miqueda ese jaihue masha papoibo pojo, midya ane netime batso.

6 1 Tadicatapo metse po eiloi poi po tata cana ai iloi po tata poi ilota

jaidya potso bale. Joda masahue bātani
 pipoma potso bale. Eiloi cana dipa pipoma
 pojomo, pe-ishapo canaja Tadicatapo
 masahue pehue bātani pō-ani, cuada
 alelajai po cana masahue pehue bātani
 pō-ani. 2 Iloiji po tata Tadicatapo
 metse pojomo, eiloi mipa mimime poāni ja:

--Huada quima mamazao batahue batso,
 ema eiloemetani pipoma potso bale.

Bale dipamo mimime pipoma potaesahua.
 Ai iloi po Tādi metse batso, ailotajai
 masha potso bale. Joda aaba bāni batso
 ilota jaidya potaesahua.

Joda cana po izedeameiboque,
 cuaenetiboque, Timoteolipi quia. 3 Joda
 canamo Dōjoilipia, Jesusolipia da tsimehue
 ecuae po cana. Joda cana Tadicatapoa tōdi
 poi cata lacua jametijicata po cana.
 Aiyaja joda --māesa --pehue a-odi,
 pe-ishapo alelajai dāehuecata pipoma
 pohue izedeame-odi atsomo, jodamo jo
 pehue ado-eje jabatime, sichohue poi bime
 dipa. 4 Tata Jesosoa ecuae po cana
 tsī-a pi-ama. Jodamo noma jabicuae bajati
 poi pehue poāni. Huada dipa eatani
 batso, ecuicha cana eiñacuetini poi,

azai poi, dyãmasamasa poi, adojo-odi
 poi pehue po-odi. 5 Da batahue po tata
 masahue poi-odi bãni jabatitso, tso
 nimeono tóbobade. Tsiloda poi-odi
 cuaeshati jabatitso tso paatai cashati
 podahue. Tadicatapoa poi po cana
 cuaeiji poi noshi. Diñelo pajemiqui
 ezae pehue dipa eani noshi. Diñelo
 tsada baicata bame. 6 Bale nimeono
 pidya metse cuada Tadicatapo
 metsetoacata poibo potsomo, da bale
 tsada baibotso balecata, 7 Cuada
 jaidyahue epo tsio ai tsaai pehue epo.
 Manoibotso, ai pidojociboma pehue pã-ani.
 8 Dipa batso, ai padia ezae eani,
 jaibailimi eani pojome, dãocualipi nae
 pehue tsítseifebati potso bale. 9 Ai
 tipao poibotso balecata bãtini-odi po cana
 ai atsonolimi potso ai mipae da mae
 atsaneibo alelajai. Pãhualoja po
 atsaneibo. Atsaneibotso, cue-acata
 poãnaibo. 10 Diñelo jemitamepacata
 bãtini po cana ai masahue poi po atsane-
 odi polelajai batso. Jepea dipa atso
 Tadicatapo mëyahuiqui. Nime ajai pã-ani
 bame bime, nime-isi pehue poibo.

11 Bale joda masahue poi po cana
bēbani atso bale, Timoteolipi, midya
tadicatapoa poi pojo. Tadicatapo poi po
cana, ajai-odi poi po cana poi poque.

Tsf-a alelajai poi po cana, aaba-odi poi
po cana, poi poque. Animejoji poi po
cana, tsiba jatiji poi po cana poi poque.

12 Tadicatapo poi ajobiquitso modotseiñe-
odi poque. Huada midya izejananuatilacua
poi mēta. Da batahue-odi poiboque. Apamo
Tādia tōdi cana doodi eanicnatsio
cuajaidya aisa batahue po poiboque.

13,14 Mipa po tsaba jaidya aque. Tata
Jesosolipia ecuae po cana boana jaidyacata
aque, Jesoso cuñiñaiboani cueneo. Ai
masahue pi-ama poque, midya masahue poñi-
odi bame nēdaja pi-ama paata pojo.

Tadicatapoa, ai izemeiji poa poi ya mi
dipa mēcuaeni. Tata Jesoso, tata Pilato
pejo cuae jaidya ea poa poi dipanue dipa
mēcuaeni. 15 Jesoso bale cuñiñaibo-ani
isha, Tadicatapoa quetsio dia ajae poeti
tsio. Tadicatapo joda bale netimetsecata
po poi-odi, cuicnacata po poi-odi,
dōjoicatapo poi-odi. 16 Da snodi pehue
maesa poi pipoma. Dipalacua sha damo

batso ai se ða najo poibotoa pipoma.
 Aiyaja joda bātani-odi pipoma.
 Tsonodacata dipahue, behuehue dipahue.
 Huada eatanohue pehue pojanahuatitso
 pō-ani jabatime ema. Joda ajaicata
 bājanahuatibo-ani yama.

17 Ai tipao po cana, Tādi metse po,
 mipa cuaeme atso bale. Jo pehue ajai
 jabatime pipoma potso bale. Ai hualea
 huapo pehuemo pipoma. Ai tipao bime,
 Tadicatapo huapo pehue potso bale.
 Huaða bale ai hualea ðāocua cuahue
 tītani, huada cuada nime ajai aibotso
 balecata bātini pojo. 18 Dipahue midya
 ai tipao po cana mipa cuaeme aque. Ai
 ajai poi mē-ani-odi atame. Jepe cana
 eatsahuaneti-ōdi ataesahua. Ai nahueda
 babai mahue potaesa mi. 19 Dipa a-odi po
 canaja ai ajai masha po cana Tadicatapoa
 leleo eiseasha a-odi batahue. Hua leleo
 cuaiñaibotso, nēti-anicata lacua pō-ani,
 Tadicatapoa ajaicata bāataibo-ani.
 20 Timoteolipi quia, Tadicatapo biyo,
 Jesusolipi biyo po cana dojoyoa jaiçya-
 odi aque. Tsedapoa bedipa cuaeme ea po
 cana bētsabani pehue aque. Dāehuecata

poi nosni poa cuaeme ea po canamo
bêtsabani penue aque. 21 Jepea da
batanue po cana boanaibotsô, Tadicatapoa
alélajai cana pitejetima.

Tadicatapoa midya olibatame pacata
yama bânî. Tata Pabalo máocua mipa ea.

2 TIMOTEO

1 Timoteolipi quia yama miqueda poi
 1 jilica zĕnuiboani isha. Emamo da isna
 tata Pĕbalo, Jesosa eiloiji poi toa cata
 po da ema isha. Tadicatapoa ema dipa
 poque sme, ehua idyadae nĕtica po cana
 Jesosa biyo pacuaeibo pojo. Da cana
 izejananuati poi lacua potoa papotaibo
 pojo dia ea. 2 Yamamo midya aaba, quima
 tōdilipi po batanue bĕni. Tadicatapoa,
 Jesosa midya atsanuaibetso bale cata
 yama bĕni. Tsfĕneti mĕtaneti atso bale
 cata ya mi bĕni. Eolibahue-odi atso bale
 cata bĕni. 3 Ya midya poi Tadicatapo nae
 mĕmimi-odi tseiĕne misiohua, sisa misiohua.
 Midya poi --jĕlipi quia --cuae-odi
 Tadicatapo. Da bale yamamo tsf-a
 alalajai a-odi, nimeono pidya mĕtse
 penue, tsonoda quia tsaja cana ea isna po
 batahue. 4 Mĕyasnaobo tsio midya

amosonecata ya bana. Da biyo
 nimebacataibo isha tso, jabalipitibo-
 ishatsó bale cata bātini. Bāatibo-ani
 isha tsio nime ajai poibo-ani. 5 Midya
 Tadicatapo tsí-a noshi pi-ama po ya
 bamehue. Miqueda anolipi, ano Loida
 eshoi dipahuecata eabetsota. Miqueda
 huādilipi, mama Eonise bisha. Dyatsio
 dipahuecata midya eani bamehue yama.

6 Dipa batso, eametaniohue po, mósojo
 mahue po biabaiji poi poque. Yama miqueda
 eshoa eitsobani ea tsio, Tadicatapoa midya
 dipa poi ea, midya huada tōdi cana biaba
 jaidya paa pojo. 7 Tadicatapoa shāma
 cuada pālipia pobisha po pēhue poi pimema
 ea. Cuada eametaniohue poi, aababatiji
 poi, animeonopia poi eme bale. 8 Dipa
 pojo Jesuso biyo bisojae po mae. Joda
 biyo cuaedeaibotso bale. Ema biyo
 dipahue bisojae pipoma potaesahua. Ema
 batahue isha bale mi potame. Yama Jesuso
 biyo cuaedea-odi batso pojo, tata canaja
 ema izia mahue e-asha ea. Dipa ea bime,
 ema bisojae pipoma. Jesusoa poi batso,
 nedaiji aiyaja eatani bime, jodalipimo
 pimeyama. Tadicatapoa, jojidyatoacata

jabatitso, hua tódi cana, ai neda bātani
 po, atsahualelajai. 9 Huada cuada
 izejananuati poi lacua eme. Tso cuada
 bāebaesha, hua eiloi cana ajai-odi po
 papoibo pojo. Cuada ajai posha batso
 pojo pipoma. Bale huada tsonoda ai imea
 pi-amacata tsichue nime metse cuada
 bāebaesha ea. "Jesoso metse pa-olibame-
 huiquibo", ehuis nimebame ea. 10 Tsonoda
 bepoa dipa nimebame ea po cana tso ea.
 Dyatsionue tata Jesoso, izejametiji po tso
 batai, tso dipa bamehue-odi. Huada
 tsedapo máncoiboani po biyo queoli poi
 mahue ea. Cuada jaidya-odi poi
 pojanahuatitsoa poi eme. 11 Ema dipa po
 cuaeji po tata poi Tadicatapoa ea.
 Izedeameiji po poi ea. 12 Huada dipa ea
 pojo, ema animejoji poi penue. Nedaiji
 cueme ema aiyaja eatani bime, bisojae
 pipoma. ¿Cuipa pojo bisojae pipoma? Ai
 masahue pi-ama pojo. Tadicatapo biyo
 pitsada mahue pojo. Dyatsio dipahue,
 Jesoso pobeibo isha tsio tsonoime,
 Tadicatapoa ema biadojo jaidya e-ataibo-
 ani jabatimehue pojo. 13 Yama Tadicatapo
 biyo, Jesosolipi biyo ecuae po cana bale

dāehuecata. Boanaiji poi. Joda cana nimeba-odi aque. Tata Jesosca midya tsí-a poi po, aababatiji po méataibo-ani. 14 Jesoso cuichao po lacua cana izedeayoa cata aque. Tadicatapoa shāma midya e-atsahuataibo-ani, midya queoli pipoma po nae izedeameme paa pojo.

15 Asea ehuaō midya najo netilelajai po mamazao canaja jepeamo ema meyahuiqui-taiba. Ema ijitaezo eani batso dia ea, queoli jabatitso. Tata Pijeloa, tata Emojeña detsea dipa ea. Midya dipa bamehue. 16 Tata Onesípolo bale queoli pipoma epo. Huadalipi bale ema tōaba masha ea. Ema biyo bisojae pipoma, ema ijitaezo eani pohue. Onesípolo cana Tadicatapoa olibaibotso bale cata yama bāni. 17 Huada, jidyō Loma leleo cuaiñāibotso, tsabaleibo jaidya atso ema tejetibo. Ema eolibaibo. 18 Dōjoicatapoa, pobeibo-ishatso, joda dya isha olibaibo isha atso bale cata yama bāni. Joda jodo Epeso leleo tsio jaatsahuatiji epo, midya bamehue, Timoteolipi.

2 1 Tōdilipi quia eametaniohue poi poque. Tata Jesosoa dia mepoa eatanio dia polipique. 2 Yama Tadicatapo biyo, Jesosolipi biyo apamo tso ecuae. Midya tso tsābajape. Apamo pe-ishapo canaja dipahue. Tsābajape po cana shipa tidyeahuiqui-odi aque. Ai tata dñehuecata po cana tidyeahuiquibo. Pe-ishapo cana shipa izedeameibotoa po tidyeahuiquiboque.

3 Midya Jesoso metse batso pojo, aiyaja midya nedaiji eatani tsio, tsifojiqui pehue poque. Ema isha batahue tsifojiqui poque. 4 Jesosoa eiloi ajai-cata poi po batahue poque. Ai eiloi poi po canaja nāedaja alelajai po batahuemo pi-ama. Pe-ishapo ai poi pomo pi-ama. Dōjoilipia jaidya bātani paata pojo dipa pi-ama. 5 Tadicatapoa dipa poque ea po cana biyo aatajai po poi poque. Da biyo aatajai pipoma po cana Jesosoa eiloi poi atoa pipoma. 6 Teje poi po tata, ajobi dahue pojo, jana apamo eani polelajai. Da batahue isha mi potaibome. Jajobiqui po nae izedeameibo-odi aque. Midya dipa

a-odi pojomo, Tadicatapoa atsahuaibo apamo. 7 Yama zéhuini po cana biyo nimebaiboque. Dójoilipia da biyo midya pitsada mahue mé-ataibo-ani.

8 Tata Jesoso, dya-isha eizeneti poi isha po, nimebaneti-odi aq̄ue.

--Joda tata Dabidaja otse, netimetsecata po lacua poi, --Tadicatapoa ea.

Joda lacua cana biyo yama cuāeneti-odi a-odi. 9 Dipa cuāeneti-odi batso pojo tata canaja ema adojo. Ijitaezo eishahuiquitana. Masahuesnili poi po tata bame asatso, dia ea. Tadicatapoa ecuae po cana bale, tata Jesoso biyo po cana bale ijishatoa pipoma da isha. Ecuicha canaja bale joda tsabaja-odi lele misiohua. 10 Dipa batso, tata canaja ema ishe-anataibome pacata eatani bime, tsifojiqui puhue ema. Tadicatapoa bāebae po cana Jesoso metse papotaibo pojo, ya --mae dia papo puhue --pi-ama eani. Joda cana Jesoso najo jiquia atsalacua netijanahuati potoa papo pojo, ya dia eani. 11 Mipa po nimebaibome atso bale ajai: Cuada Jesoso

metse manoibotsomo, joda najo
 nétijanahuatibo pō-ani. 12 Nedaiji
 aiyaja eatani bime, Tadicatapo
 meyaibojae pipoma potsomo, joda
 cuichaijimelacua poíbo-ani, joda nae dia
 métaniohucata poíbo-ani. Bale cuada
 Jesoso --mae, --ahuiquibotsomo, huada
 dipahue isha cuada --mae, --ahuiquibohue
 isha. 13 Cuada dipa pohue dāehucata
 pipoma. Jesoso bale dipa pohue dāehucata
 poi pehue. Quetsio pea a pipoma.

14 Joda cana mamazao cana noahue isha
 cuaeiboque. Dipahue:

--Jedipa poi penue po cana biyo
 jacuaecuaezati pipoma mepoque, --cuaeibome
 aque.

Jacuaecuaezati po aimo jaidya po poi
 pipoma. Joda tsábajai penue po canamo
 tibone poi melelajai penue.

15 Tadicatapoa eiloi ajaicata po papoibo
 ezae, beibeiji ba nae Tadicatapo
 boanataesahua. Da biyo pidya izedeameme
 aque. Midya dipa a-odi pojomo Tādia:

--Ajailipi quia mi eani, --mi
 e-ataibo-ani.

Midya huada huábeatano, bisojae pipoma mi pō-ani. 16 Bale bedipa pehue jamimitsoatime po cana bébani pehue ataesahua. Da canamo shipaaso shipaaso poi pehue polelajai. 17 Da batahue po mimime po cana neda-o po cana batahue pehue. Shipa aniquidyea, shipa aniquidyea pehue jatseñebatime. Tata Imeneo, tata Pileto detse dipa poána. 18 Jesoso biyo dáehuecata po cana péjejehuecata cuáemetani.

--Cuadaja emei Tadicatapo najo pipojajoboma pō-ani, --noshi cuaeme eatani.

Dipa batso mamazao jepe tso dílotiana. 19 Bale Tadicatapoa mimime po cana majana tsajacata po batahue cuichiji. Mánói mahue poi pehue. Ataocata poi pehue. Mipa po mimime detse tsabajaidya aque:

--Tadicatapoa huada metse po cana bamehue-ođi. Táđi metse po canaja dáocua cuajahue Tadicatapoa masahue poi pehue balelajai po cana iboetahuíquibotso bale.

Joda mimime detse bale dáehuecata pōjanahuati.

20 Aiyaja ai etaezo ai huale cana apamo eani. Jepe ajai. Da bale ijada poi balelajai. Ai mátai po, petsatso batahue pomo dipa. Jepe dáocuahue isha, masahue batso, ijada poi pibama. Ai mátai dali po, moa cuaba batahue pomo dipa. Tadicatapo metse po cana da batahue isha. Jepe ajai-odi, Tádi metse toacata. Jepe dáocuahue isha bale Tádi metse noshi.

21 Dipa pojo mi jabati jaidya mi potaesahua, Tádi metse noshi po canaja mi pimasatiama paata pojo. Midya dipa a-odi atsomo, Jesosoa eiloi mehuishidya e-asha po batahue pō-ani. Midya ai mei poi pō-ani. Jesosoa midya ijada bātani pō-ani.

22 Esichanaiqui pipoma po canaja, midya batahue po canaja, ai masahue poi pehue alelajai po canamo pi-ama penue potaesahua. Bale nimeono huaca badecata po tata batahue, Tádi tsí-a alelajai po batahucata pojae bātini poque. Abadabatiji po, tsítseiñe bātini po poibotso bale cata bātini poque. Dipahucata-odi poáni po, Jesoso metse po cana-odi nae dipa poáni potaesahua. 23 Pe-ishapo cana

nae jaiñacueti shili pipoma poque. Jodamo
 doda jabati poi pehue. 24 Dõjoilipia
 eiloi po bale picuaecuaezatima potso bale
 cata. Jodamo ai shãbajai pehue potso
 bale. Ai izedeameta jaidya poi potso
 bale. Dipahue, pe-ishapo canaja nedaiji
 atao, bedia eatani jabatime pehue potso
 bale. 25 Toli izedeame-odi po cana
 adojo po cana nimei shãbajaibo atamesahua.
 Midya dipa a-odi pojomo, Tadicatapoa
 eatsahuatania, joda cana hua apo pehue
 nimebaiqui-odi alelajai po cana ibcetaibo
 masha e-ataibo. Tadicatapo biyo da
 tsimehue poi cata po cana tsio jẽmiquibo
 masha e-ataibo. 26 Nimeono huãca masna
 ponaibotso, diabolo najo izia mahue
 poeneti bime huãca masha põ-anaibo.

1 Mipa po biyo sichohue pipoma
 potaibomesahua, Timoteolipi. Maticata
 po tseiñe cana poãni tsio nimebata-isi
 cueme põ-ani. 2 Tsedapo cana jo pehue
 poi aaba põatani pojo dipa. Diñelo atsa
 bai-odi põ-ani pojo, dea noshi mimime
 poshati põ-ani pojo. Jo pehue ajai

jabatime pō-ani. Tadicatapo, tata cana dipahue māsatani pō-ani. Huādia tādia cuāetani po biyo ailotaisi pō-ani. Ai atitaisi pō-ani. Ai piizeniama ai bai poi pehue pō-ani. 3 Ai se peadamo abada masha potoa pipoma pō-ani. Da dojo pohue pehue pō-ani. Nedaiji paati ezae tsiloda cuāetani. Dyāmasamasacata poi pehue pō-ani. Mipahue ai ishenetime. Ai ajaicata pohue adojo-odi pō-ani.

4 Dipahue, maticata po tseiñe poāni tsio, tsedapo cana jasipaemetiji shili pō-ani.

--Dipa ja ai poi, --pipoma pō-ani.

Jo pehuemo do-eje jabatime pō-ani.

Tadicatapo cuichiji tsada bataisahua bime dipa, jo poi pehue po cana tsada poi-odi bātani pō-ani. 5 Tadicatapoa tōdi pōsani bime, beđipa pehue poi pō-ani. Joda batahue po tata canamo mamazaolipi batahue, pibama atamesahua. Tādia tōdilipi batahue pibama atamesahua.

6 Joda batahue po canajamo jepe canaja etaezo nobijajotso, mama cana hua jaidya po poi pehue cuāetani. Pājacata nimeonome po mama canaja animebisojalili poi poa, pobapecata poa bale --joda dāehue po pa

dia eatani, --bame eatani. 7 Joda batahue po mama canaja dya joda ai izedeameiji, dya joda, dya joda tsabajai bojae. Tadicatapo biyo dāehuecata po cana biyo --jaa, --potoa pipoma bale.

8 Dipa pehue eatani po tata canaja Tadicatapoa dāehuecatalacua po cana --mae, --pehue ahuiqui-odi, tata Janese, tata Jabese ea po batahue isha. Huatseada tata Moise --ae --pehue ahuiquitaisa, tata Moiseya Tadicatapo poi ai mecuaetao. Joda batahue po cana tso nimeono dyāmasamasa pehue. Aimo Tādia poi po pipoma. 9 Bale da cana dipa-odi eatani eajanahuati pi-ama e-ataibo-ani. Tādi metse noshi dāocua cuajahue bamehue e-ataibo-ani batso pojo, Isae-ēli canaja tata Janese, tata Jabese eba isha po batahue isha.

10 Bale ema da cana batahue poi pipoma midya eani bamehue, ema midya balelajaimo batso. Yama izedeuelajai cana midya bamehue. Ema dipa netime poāni po midya dipa bamehue. Ema ai dipa paa ezae neti dipahue. Yama Tadicatapo tsī-a a jaidya a-odi midya eani bamehue. Nedaiji eatani a-odi po cana ya tsība

a-odi dipahue. Ema aababatiji, animejoji
 poi midya eani bamehue. 11 Tata
 Jesosolipi biyo cuaesa-odi batso pojo ya
 neda ba-odi, neda bātini, midya eani
 bamehue. Atioquía leleo, Iconio leleo
 po canaja ema ishejaecata poána. Lisita
 leleo po canaja ema majana metse
 cuelilijiana ea. Cuaeso manoemeanacuae
 ea. Bale ema Dójoilipia péyotani-odi epo,
 ema pimanoma papo pojo. 12 Bale
 Timoteolipi, dáocua cuajahue Jesoso huapo
 pehue potso bale cata bātini po canaja,
 neda pabataibo, jepe canaja nedaiji
 e-ataibo-ani pojo, māsabaatani pojo.
 13 Bale atsacata apojalili pehue po cana,
 Tádi metse noshi po cana shipaaso shipaaso
 pehue pōataibo-ani. Pe-ishapo cana
 sípaemetani tsio, jo pehue māsahue
 eatibohue isha. 14 Midya bale Jesoso
 biyo eabahuena po cana pimeyayoama
 ataesahua. Joda dáehuecata eani
 jabatimehue midya, cuama, midya
 izedeameiji polalajai po cana da tsimehue
 poícata alelajai pojo. 15 Midya exoelipi
 tsio, mique anolipia, mique huádia
 Tadicatapoa zehuimeta po cana

eizedeametsaneibo ea. Joda zehui poa cuada pitsada mahue meiji, cuadaja Jesoso tsí-a-odi paa pojo, Tádi metse izecata poi lacua papo pojo. 16 Tadicatapoa jilica dāocua cuahue huadahue dipa zehuime mepoa ea. Huada dipa mepoa ea pojo, joda jilica eizedeamei poi lacua, cuāeshabajai poi lacua, cuāejaichai poi lacua, jaidya mei poi lacua. 17 Tadicatapoa jilica cuada Tādia eiloi ajai po poi meiji, da bale.

4 1 Dōjoilipi pōbeibo-ani isha. Cuaiñaibotsocāda, eizeneti po cana, mano tso po cana tōpoataibo-ani. Datsio dada dāocua cuajahue joda netimetsecata po poi bamehue-odi e-ataibo-ani. Dipa pō-ani batso, Tadicatapo poi, Jesosolipi poi ya mi mipa cuāeiboani. 2 Jesoso biyo po cana shipa cuaedeati cuaedeati cata aque. Pōjaichapeshati poque, quetsiocata ja cuaedada paa ezae. Cuaeshabajaibo-odi aque. A jaidya me-odi aque. Jazaijae-nati pipoma. Cuaedea jaidya, cuaedea jaidya pehue atamesahua. 3,4 Becata ecuicha cana Tádi biyo po dāehuecata

lacua po cana biyo, --ai ja cuãesani di,
 --põ-ani. Joda tsabahueyaibotso, hua
 jaidya po izedeame-odi po bale jemiquibo.
 Huaapo ajai pehue po cana huapo pehue
 põ-ani. Tsaja canaja ea po huapo pehue
 põ-ani. 5 Midyamo bale dipapohue nime
 pidya metse penue poque. Neda cueme
 bātini bime tsíjojiqui poque. Beneti
 pehue po cana Jesoso biyo cuaemeque,
 Tádi metse paposhoditaibo pojo.
 Biabaijiya ai alelajai po cana a-odi
 aque, Tadicatapoa ametapo cana aque.
 6 Dipa aque, ema belicata Jesoso poi
 módohueyaibo-ani pojo, Tadicatapoa lele
 beneje potibojae pojo. 7 Tadicatapoa
 ema ametapo cana tso apequiba. Tadicatapo
 tsí-a a jaidya tso yama ea. 8 Dipa batso
 ai eihuaiji quima poi Tadicatapoa leleo
 tso eiseameshata. Dójoilipia, tópoi
 dáhuecatapoa joda ema títataibo-ani,
 tópotani po tseíneo. Bale ema pehue dipa
 põ-ani pipoma. Dãocua cuañue Jesoso
 bájaecata po cana huada dipa-odi eatani
 põ-ani.

9 Timoteolipi, naatso ema mi
 bashaotaibome. 10 Tata Dema, ehuaq poi

pehue po cana aaba jabatitso tso ema méyahuiqui. Tesalónica leleo tso pōti. Tata Qesete Calatia ehuaō tso pōti. Tata Tito Damasia ehuaō pōti. 11 Mamazao Loca pehue ema najo nēti. Midya pōbeani tsio tata Mácolipi mi jeanatame. Huada jidyō ema atsaahuaibotoa apamo. 12 Tíquicolipi Epeso lele beneje tso yama ilohuiquia. 13 Midya pōbeani tsio, quima aboa poi po masha, yama Tolo leleo, tata Capo najo ishaasha po quia mi jeanataibome. Quima jilica cana dipahue.

14 Tata Alejádoā, peama poi po tataja, ema cueneloemasamasa apamo ea. Tadicatapoa joda bí-anataibo-ani.

15 Jabati jaidya mi potaesahua pō-ani, huada cuadaja izedeame-odi alelajai po cana sae cueme bātani pojo.

16 Jidyō po canaja ema tōpobetsota tsio, ai se mamazaohua ema pi-atsahuama po-asha. Dāocua cuajahue queoli pehue potso ema méyashaobo. Bale joda canaja dia eapo biyo yama adojo pibama. Tadicatapoa joda cana pitsanema ataesahua yama bāni. 17 Tadicatapoa bale ema pimeyama. Ema mōsojojidyā poi eme, tata

Jesosolipi biyo yama pacuaepeibo pojo,
 enua idyadae po cana patsabata pojo. Da
 canaja ema eisheanataibo-ani pohue,
 Tadicatapoa peyoemetasha. Zoto cuatsao
 batahue pohue ema bocatibo.

18 Dójoicatapoa ema dojo jaidya a-odi
 pojo, aiyaja ema micata ahuiqui apitsa.
 Mancibotso bime huada leleo jaihue pehue
 cuaiñatibo, ema jabatimehue. Dójoilipi
 jaidya cueme cuadaja báni eajanahuati atso
 bale.

19 Midya najo po cana, mama Pelica,
 tata Aquila, tata Onesipolo cana mipa
 cuaecheme aque:

--¿Cuipa shodi tso ja pa micana
 dyatsio? --tata Pábaloa eatani.

20 Ema jidyó pōbeani tsio tata Elato
 lele Colitijohue eaniña. Tata Tolopimo
 bale atsacata batso, lele Miletojo yama
 méyahuiquishanaibasha. 21 Pasopojomo mi
 mipa mala aboa pipotsanema tsiohue canahua
 meje pobeatso bashaotaibome ema mi. Tata
 Ebolo, tata Podete, tata Lino, mama
 Coladi, mamazao cana dáocua cuahue:

--¿Cuipatso pa mi dyatsio? --eatani.

22 Dōjoilipia midya nime ajai,
animejoji ataesahua yama bāni. Micana
alidyaso poi bātani atso bale cata yama
bāni. Mipa māocua Pābaloa zēhuita po
cana.